

敕修陝西通志

第八  
函  
十  
冊

陝西通志第七十一卷

陵墓二

延安府膚施縣

**夏主赫連勃勃墓** 在城南杜甫川後延川縣南六十里白浮圖

寺前七塚相傳赫連勃勃墓此府志勃勃墓嘉平陵十六國春秋夏錄○按寰

宇記云勃勃墓在霍山最高峰未知誰是

**尸毘墓** 延州天山之巔有奉國佛寺庭中有一墓世傳尸毘王

之墓尸毘出於佛經大智論言常割身肉盡今天山下有濯筋

河其縣爲膚施慶曆中施昌言鎮鄜延壞奉國寺爲倉發尸毘

墓有枯骸尚完脛骨長二尺餘顱骨大如斗並得玉環玦七十

餘件夢溪筆談

**高刺史萬金墓** 在府城南八十里盤龍村馬志萬金河西人高

萬興弟延州刺史貞明四年卒乃以萬興爲鄜延節度兄弟世

守其土

延綏鎮志

**鄭指揮榮墓**

在府南十里

馬志

榮京兆人始以民兵來延有戰功

授都指揮

賈志

楊都御史宗氣墓

在城南十里柳林山頂賜祭葬

賈志

楊太保兆墓

在城北五里賜祭葬父御史本深墓亦在焉

府志

楊叅政吉墓

在伏龍山

府志

楊同知如松墓

在城南十里

賈志

贈尚書趙仕墓

在城西十五里

賈志

在城西神仙溝子太傅彥光

祿章祔

府志

章卒於崇禎庚辰以癸未祔葬於贈太傅公父之次

與兄太傅彥分左右

劉豫嘉謨趙光祿章墓志

張布政世烈墓

在城南五里夏家塔側

賈志

白巡撫希綸墓

在城西南杜甫川賜祭墓賈志

蕭大將軍如薰墓

在城南三里杜甫川其祖都督漢墓亦在

府志

張副使廷雲墓

在城東五里白雲窩賈志

楊知縣如桂墓

在城南賈志

董都憲珊墓

在城東十里府志

楊同知墀墓

在城南十里府志

高知縣夢禎墓

在城南十里卧虎灣賈志

李知府賦秀墓

在城南十里賈志

趙員外廣印墓

在城北二里王家坪府志

劉翰林世芳墓

在城北二十里府志

趙處士應震墓

在城東二里有提學汪喬年碑賈志

李烈婦墓

在城西南杜甫川毘家茆有碑賈志

本朝趙知縣隆引墓

在神仙溝賈志

白知縣可父墓

在城西十里府志

安塞縣

郭知縣東陽墓

在縣石峰山左府志

王驃騎將軍倫墓

在縣南三十里府志

王推官謨墓

在縣南鳳凰山下府志

馬叅議懋才墓

在縣南十里府志

甘泉縣

薄姬塚

在縣西六十里塚高丈餘其間老松古柏蒼鬱相映馬志

縣西府城村外俗傳煬帝北巡選納鄭妃名薄姬歿後葬此人

薄姬塚

縣志

**元** 袁御史榮墓

在縣南十里

府志

榮元行御史臺中丞

馮志

文侍郎允中墓

在太和山前

縣志

**明** 刑部尚書開濟墓

在石馬河

縣志

高御史亮墓

在焦家莊

縣志

石主事瑩玉墓

在縣東臨鎮川

府志

安定縣

**明** 薛給事文周墓

在縣東十里

府志

藍總兵墓

在縣東郭任寧夏總兵名失傳

縣志

本朝薛經歷廷墓

在縣東五里

府志

附疑

宋潘美墓蟠龍山在縣南八十里嶺上古柏蒼翠相傳潘

美墓在焉故又名忠山

縣志○按美非陝人又未嘗終於陝其

爲傳訛無疑今洛陽陳留俱有美墓

保安縣

宋

劉節度延慶墓

在保安縣北二里延慶係宋保信軍節度使

馬志

明

李御史光祖墓

在東山

府志

王學士大任墓

在南門外

府志

韓副使炳衡墓

在縣南川

縣志

宜川縣

明

張都諫琛墓

在縣南五里郭家礪

府志

劉孝廉子誠墓

與弟知州子誠墓俱在縣北九臺山子誠倪元

珞撰墓誌

府志

劉知縣繼墓

在縣北十里如渠原

賈志

楊都督自新墓

在縣北八十里神田嶺

賈志

延川縣

高副使懷敬墓

在延川縣

府志

延長縣

**樊解元儀墓**

在縣南五十里石跋村儀歷官江西提學縣志

宋知州大奎墓

在縣境縣志

本朝薛侍郎柱斗墓

在縣西千谷驛南山下祔於其父之奇叔之

鳳側

縣志

鳳翔府鳳翔縣

**上古**

鴻塚 鬼史區號大鴻黃帝大臣也死葬雍故鴻塚是

史記五帝本紀

註索隱曰黃帝臣大鴻葬雍鴻塚蓋因大鴻葬為名也

封禪書註

仇紀帝鴻氏葬雖離之鴻塚是矣在秦漢皆列祀典路史鴻塚是

大鴻塚即帝鴻也史漢書說者更以為鬼容邱益非按今塚在

雍以知所都亦不遠黃帝之都也

路史註○按史記註曰黃帝臣路史曰帝鴻氏歷世荒遠

難稽應從史註

**周秦穆公墓**

在鳳翔府城內東南隅

明一統志

周圍五丈有奇前有碑

歲時致祭

縣志

繆公墓

史記秦本紀

皇覽曰秦繆公冢在橐泉宮新

年觀下

本紀

橐泉在城東墓在城西無百步乃知昔未有此城

秦人以泉識公墓

宋蘇軾穆公冢詩

○按史記註謂雍縣東南二里是在城以外也此城正唐末李茂貞所

築

**三良塚**

在城南半里許有碑記

縣志

文公六年秦伯任好卒以子

車氏之三子奄息仲行鍼虎為殉皆秦之良也國人哀之為之

賦黃鳥

東子詩傳

正義曰括地志云三良塚在岐州雍縣一里故城

內

史記秦本紀註○按史記註三良塚在城內今在城外是城已改築也

**六塚**

在城西六塚里塚甚高大不詳所始疑即秦諸公陵也

縣志

**雙塚**

在城西十五里雙塚村

縣志○按雙塚相傳已久村里俱因此得名故叙於六塚之後

**霍侍郎瑄墓**

在府城南二十里

勅葬

馬志

附疑

殷比干墓政和間朝廷求三代鼎彝器李朝儒爲陝西

運遣人於鳳翔府破商比干墓得銅盤徑二尺餘中有款識一

十六字又得玉片四十三枚其長三寸許上圓而銳下濶而方

厚半指玉色明瑩以盤獻之於朝玉留秦州軍資庫道君皇帝

曰前代忠賢之墓安得發掘乃罷朝儒出其盤其玉久在秦帑

王庶知秦州取之而去祁寬居之嘗見之爲余言然比干墓在

衛州西山去城數十里有漢唐以來碑刻甚多墓周圍數里生

異木樛結不可入而居之言墓在關中未知何也

墨莊漫錄○按衛輝府志

殷比干墓在城北十五里即周武王所封信矣此云比干墓者考漢有何比干自汝陰徙平陵仕武帝時其後世爲名族豈何

墓葬此而後遂訛傳耶

附迷

秦惠文王墓惠文王葬公陵

史記秦始  
皇本紀

正義曰括地志云

陵在雍州咸陽縣西北一十四里

本紀

○悼武王墓悼武王葬

永陵

秦始皇本紀

徐廣曰墓畢陌今安陵西畢陌正義曰括地志云

在雍州咸陽縣西十里俗名周武王陵非也

本紀註

皇覽曰冢在

扶風安陵縣西北畢陌中冢是也人以為周文王冢非也周

文王冢在杜中

秦本紀註

○漢淮南王長墓長謀反事覺載以輜車

令縣次傳不食而死縣傳者不敢發車封至雍雍令發之以死

聞廼以列侯墓淮南王于雍置守冢三十家

漢書淮南王傳

○按史記

紀元德公宣公成公俱葬陽康公墓均社共公墓康公南桓公

墓義里丘北景公墓丘里南畢公墓車里北夷公墓左宮惠公

墓車里悼公墓僖公西刺龔公墓入里蹠公墓悼公南懷公墓

櫟園氏靈公墓悼公西簡公墓僖公西惠公墓陵園出公墓雍

獻公墓置園孝公墓弟園應俱在鳳翔境今皆無及

### 岐山縣

皂角陵

在縣東南十里朝代未詳

賈志○按諸舊志俱列皂角陵於周陵之前今仍之

太王陵

在岐陽鎮北俗云幽王陵

縣志

按明一統志幽王陵在臨

潼北二十五里幽王死驪山下陵在臨潼者爲是舊志言鎮  
有太王廟而志無太王塚太王始遷岐下塚在岐陽無疑陵墓志

**唐**昌樂縣男李淳風墓

在縣北墓傍有祠

縣志

在縣東北五里

賈志按

河南府志李淳風墓在新安縣廬院保畿輔通志淳風墓在涿州東北向陽里皆無所徵信考唐書淳風岐山人似應以此爲正又西安府志蓋厓東郭二里亦有淳風墓

**金**完顏元帥墓

在塔店北

賈志

在益店北金之宗室名失傳

縣志

扶風縣

姜太公夫人墓

在縣西南

馬志

在漳水南八里

縣志

**漢**馬將軍援墓

在縣西南八里伏波村

馬志

在縣西有碑存

縣志

援卒

後有上書諧之者帝怒妻孥惶懼不敢以喪還舊塋裁買城西數畝地橐葬而已妻子詣闕上書訴冤前後六上然後得葬後漢

書本傳

司徒魯恭墓

在縣北四十里魯馬村

馬志○按中牟縣志恭墓在縣西北兗州府志載恭

墓在焦氏山南考後漢書本傳恭以老病罷官卒於家則中牟諸處皆非實冢

班中郎固墓

在縣東二十里

關中陵墓志

有碑賈志往余計偕道過扶

風見路旁短碑僅尺許爲班孟堅墓字復漫漶半沒草土中又

三十餘年而余備兵涇原按部岐鳳訪班氏後僅自江一人貧

苦憔悴因捐空役餼金檄扶風令置田七十畝於班氏棄園故

地令自江力耕教其子府屬併黃令亦捐俸廣地六十畝構屋

數間爲具牛種庶幾無艱於衣食而蕃育其子姓乎

黃煒班氏廣育莊記

賈滔墓

在縣北周秦坡

賈志

故有碑出名人手筆摹搨者多里人

苦之乃陰毀焉

縣志

帝泰陵

在邑東南四十五里陵地九頃餘城垣遺址尚存

縣志

文獻獨孤皇后仁壽二年八月葬於泰陵

隋書后妃列傳

高祖文皇帝

仁壽四年冬十月己卯合葬於泰陵同墳而異穴

文帝紀

陵高五

丈周數百步

關中陵墓志○按元和志文帝泰陵在武功縣西南二十里三時原考武功西南二十里已交扶風

界今陵在扶風境

**唐**

武部尚書楊恂墓

在縣東北二十里舊美陽城北二里遠門有

穹碑隸字甚奇古

府志

碑高二丈五尺廣三之一元宗御製文太

子亨書今字漫滅幾半

縣志

**元**

楊孝子皞墓

在縣南二十里

賈志

趙孝子榮墓

在縣西二十里柳店舖西有碑存焉

府志

招討將軍胡昱墓

在縣東杏林舖北

縣志

**明**

胡府尹宗道墓

在東郭外奉勅修

賈志

嘉靖元年賜祭有碑

縣志

雙烈女墓

在縣東十里

賈志

四女墓

在縣南十里

賈志

相傳墓四孝女未詳

縣志

附疑

周晉太師師曠塚在潞阮

縣志

○按明一統志師曠墓在洪洞縣東南二十里濟南府志

師曠墓在新泰縣北十五里昔人俱疑之然曠晉樂師必不遠瘞於秦也

○漢陰后冢在臨平亭部

按漢書和帝使魯恭策廢后卒墓此

縣志○按河南通志載陰后以巫蠱事廢遷桐宮墓

臨平亭雖扶風亦有臨平然應以近桐宮者爲是

郿縣

**周**

秦武公墓

武公墓雍平陽

史記秦本紀

按秦都世次自周東遷始有

岐西或營邑在郿或徙居平陽或居封宮卒墓平陽皆此一地

也至德公復徙居雍則平陽在今郿縣境西濱渭當岐西南此

與或言武公墓宣陽聚東南者合

劉紹周平陽封域辨

張橫渠先生墓

在縣東南橫渠鎮祠堂南十五里

馬志

先生父涪

州公廸暨弟戢以下四世墓俱在

府志

先生再謁告西歸過洛見

二程曰載病不起尚可及長安也熙寧十年冬十二月乙亥

次臨潼沐浴更衣而卒門人袁經輓車送其喪歸於家元豐元

年八月癸酉葬父涪州墓南之祔穴

呂與叔撰  
橫渠行狀

有宋太常博士

張天祺以熙寧九年三月丙辰朔暴疾不祿越是月哉生魄越

翼日壬辰歸祔大振社先大夫之塋其兄載以報塋不得請銘

他人手疏哀辭十二各使刻石置壙中

橫渠撰其  
弟哉壙志

明成化十八

年提學副使戴珊開廣塋域弘治八年提學副使楊一清築垣

樹扁命以春秋致祭

府志

**金樓閣居士張中偉墓**

在縣治西北十里中偉官昭毅郎兄中孚

封原國公墓亦在焉封爵碑記俱存

府志

大定二十五年三月庚

戌以疾終於家以明年三月甲申奉君之喪塋於郿之斜渭鄉

原公墓之東

侍講沈英  
撰墓表

中孚官尚書左丞進封崇王墓在居士

西中彥歷吏部尚書其墓未詳所在今里人稱張金紫墳舊有翁仲石羊馬耕者侵而沒焉僅遺址畝許云縣志

**元反驢墓** 縣治東二十五里曰反王城至正十四年元將反驢築

有塚俗稱蠻王塚半啗於教坊河縣志

**王尚書蚤墓** 在縣東一里馬志

**何叅議回墓** 在縣治東北十五里有碑縣志

**附疑** 周甯大夫戚墓在郿縣東南十五里有二塚故村名曰甯

曲馬志按明一統志宿州西平度州西俱有戚墓戚係齊桓左相

彼時此地屬秦戚墓不應在此疑有誤府志

寶雞縣

**秦寧公墓** 寧公墓西山史記秦本紀正義曰括地志云秦寧王墓在

岐州陳倉縣西北三十七里秦陵山帝王世紀云秦寧公墓西